

I - ARABAKO BILTZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

OGASUN, FINANTZA ETA AURREKONTU SAILA

Diputatuen Kontseiluaren 5/2015 Foru dekretua, otsailaren 17koa, onartzen dituen Pertsona fisikoen errentaren gaineko zergan eta Sozietateen gaineko zergan aplikatu beharreko eguneratze koefizienteak

Azaroaren 27ko 33/2013 Foru Arauak, pertsona fisikoen errentaren gaineko zergarenak, xedatzen duenaren arabera, kostu bidezko edo kostu gabeko eskualdaketetan, dagozkien ondare elementuen eskuratze balioa eguneratu egingo da erregelamendu bidez onartzen diren koefizienteak aplikatuz, batez ere haien eskuratze egunetik kontsumoko prezioen indizeak izandako bilakaera eta haien eskualdatze ekitaldirako aurretiaz jotzen dena kontuan hartuz.

Arazoi horrengatik, foru dekretu honen xedea da 2015eko ekitaldian egiten diren eskualdaketei aplikatu beharreko eguneratze koefiziente horiek finkatzea, pertsona fisikoen errentaren gaineko zergaren pean dauden ondare irabazien edo galeren zenbatekoa kalkulatzeko helburuaz.

Beste alde batetik, abenduaren 13ko 37/2013 Foru Arauak, sozietateen gaineko zergarenak, xedatzen duenaren arabera, ibilgetu materialaren, ukiezinaren edo higiezinaren inbertsioen ondare elementuak eskualdatzean lortutako errenta positiboak zerga oinarrian integartzeko, ondoko hau kendu behar da, errenta horien mugaraino: eskualdatutako elementuari buruz legez baimendutako azken eguneratzeetik edo elementu hori eskuratu zen egunetik, geroagokoa bada, izandako monetaren balio galeraren zenbatekoa, erregela batzuen arabera kalkulatuta. Lehenengo erregelak dio eskualdatutako ondare elementuen eskuratze prezioa edo ekoizpen kostua eta haiei dagozkien amortizazio metatuak erregelamendu bidez ezartzen diren koefiziente biderkatuko direla.

Horren ondorioz, foru dekretu honen xedea da erregelamenduzko garapen hori egitea, adierazi diren koefizienteak finkatuz, 2015ean hasten diren zergaldien barruan egindako eskualdaketei aplikatzeko.

Zerga Araudiaren Zerbitzuak eta Aholku Batzordeak horri buruz emandako txostenak aztertu dira.

Horrengatik, Ogasun, Finantza eta Aurrekontu Saileko foru diputatuak hala proposatuta eta Diputatuen Kontseiluak gaur bertan egindako bilkuran gaia aztertu ondoren, hau

XEDATZEN DUT

1. artikulua. Pertsona fisikoen errentaren gaineko zergan 2015erako aplikatu beharreko moneta zuzenketako koefizienteak

Bat. 2015eko urtarrilaren 1etik aurrerako ondorioekin, eta azaroaren 27ko 33/2013 Foru Arauak, pertsona fisikoen errentaren gaineko zergarenak, 45.2 artikuluan xedatutakoa betetzeko, ondoko hauek izango dira 2015eko ekitaldian egindako eskualdaketei aplikatu beharreko eguneratze koefizienteak:

EKITALDIAK	KOEFIZIENTEAK
1994 eta lehenagokoak	1,571
1995	1,668
1996	1,606

EKITALDIAK	KOEFIZIENTEAK
1997	1,571
1998	1,536
1999	1,494
2000	1,443
2001	1,390
2002	1,340
2003	1,304
2004	1,265
2005	1,225
2006	1,185
2007	1,152
2008	1,106
2009	1,103
2010	1,085
2011	1,052
2012	1,029
2013	1,013
2014	1,010
2015	1,000

Bi. Hala eta guztiz ere, ondare elementua 1994ko abenduaren 31n eskuratu bada, 1995eko eguneratze koefizientea aplikatuko da.

2. artikulua. Sozietateen gaineko zergan 2015ean hasten diren zergaldietarako aplikatu beharreko moneta zuzenketako koefizienteak

Bat. 2015. urtean hasten diren zergaldietarako, hauek izango dira abenduaren 13ko 37/2013 Foru Arauak, sozietateen gaineko zergarenak, 40.9 artikuluan aurreikusitako koefizienteak:

EKITALDIAK	KOEFIZIENTEAK
1983 eta lehenagokoak	2,404
1984	2,184
1985	2,016
1986	1,898
1987	1,808
1988	1,727
1989	1,644
1990	1,580
1991	1,528
1992	1,482
1993	1,469
1994	1,440
1995	1,374
1996	1,325
1997	1,303
1998	1,357
1999	1,308
2000	1,220
2001	1,203
2002	1,182
2003	1,165
2004	1,151
2005	1,130

EKITALDIAK	KOEFIZIENTEAK
2006	1,109
2007	1,070
2008	1,044
2009	1,033
2010	1,031
2011	1,018
2012	1,010
2013	1,004
2014	1,005
2015	1,000

Bi. Aurreko paragrafoan ezarritako koefizienteak honela aplikatuko dira:

- a) Eskuratzeko prezioari edo ekoizpen kostuari, ondare elementua eskuratu edo ekoitzi den urtearen arabera. Hobekuntzak zein urtetan egin diren, urte horretako koefizientea aplikatuko zaie.
- b) Kontabilizatutako amortizazioei, egin diren urtearen arabera.

AZKEN XEDAPENA

Foru dekretu hau ALHAOn argitaratu eta hurrengo egunean jarriko da indarrean eta bere artikulatuan adierazitako egunetik aurrera izango ditu ondorioak.

Vitoria-Gasteiz, 2015eko otsailaren 17a

Diputatu nagusia

JAVIER DE ANDRÉS GUERRA

Ogasun, Finantza eta Aurrekontu Saileko diputatua

AITOR URIBESALGO LORENZO

Ogasun zuzendaria

JUAN IGNACIO MARTÍNEZ ALONSO